

欽定剿平三省邪匪方略

欽定剿平三省邪匪方畧續編卷三十四

甲子年

十一月初九日

甲午德楞泰奏言准賽沖阿及楊

遇春來信各路官兵搜捕餘匪所有巴山老林

內外及沿邊通江南界以及黑水河至柳樹沖

又滄水河至界嶺一帶分投會哨各處均無賊

蹤惟于總苗全在三元溝老林內搜出散匪一

名又守備呂天俸在盤河腦拏獲散匪一名又

守備劉印景等在雙壙子寨內盤獲隱匿僥工  
之散匪一名又在豐紳來信外委林大成等在  
界上巖灣拏獲土匪一名又守備李廷慶在三  
星寨內盤獲零匪一名兵丁苟上霖在雪泡山  
林內拏獲英人傑股內零匪一名千總曾占鰲  
在青銅峽老林內拏獲零匪一名又據馬國銳  
稟報守備蘭國濱在加卑池林內盤獲零匪一

名又據田朝貴稟報千總王紹武在黃土壠拏獲土匪一名外委葛玉柱在三墩坡拏獲土匪一名又據副將羅思舉稟報所管段落內逐日分兵搜捕並無賊蹤又據雷仁稟報營弁丁新德等在火燒棚下盤獲零匪二名又青龍寨首周賢才等盤獲零匪一名又守備謝金章在三聖廟拏獲零匪二名又都司余步雲在栗樹

溪長嶺盤獲零匪三名又據馬應國稟報在左  
家寨拏獲零匪一名又據副將馬元稟報在蘭  
花寨拏獲土匪五名又據都司葛天培稟報在  
陳家壩拏獲零匪二名又都司趙琴在開縣之  
火尖溝等處拏獲零匪二名在達縣觀音漕又  
拏獲一名又同知常安祥盤獲土匪三名經歷  
姚令鐸盤獲土匪一名又麻柳場巡檢李暢盤

獲假裝乞丐賊匪謝遠達一名詢係青號僞先  
鋒又委員李化桂在太平之安樂寨盤獲賊匪  
王學應一名詢係苟逆僞總管又據城口都司  
謝成貴經歷朱向隆拏獲零匪一名又咸寧寨  
寨民拏獲零匪一名以上各路搜獲賊匪臣  
均訊據供詞分別辦理其間有仇拔悞拏者均令  
保釋又據豐紳來信遊擊畢萬年自七月至今

所拏者不過一二土匪並未搜獲真賊心存怠  
惰等情臣不敢以全功告蕪稍予姑容謹據實

參奏請

旨將遊擊畢萬年摘去花翎降爲守備庶懲一儆百  
以爲搜捕不力者戒奏入

上命軍機大臣傳諭德楞泰曰此次各路搜獲真賊  
土匪多名官兵分段巡邏極爲嚴密川境沿邊一

帶日漸剔清所辦俱好遊擊畢萬年現當搜捕餘匪之時怠情偷安必應加之懲創畢萬年著摘去花翎降爲守備遇缺補用以昭炯戒德楞泰仍當傳知各路員弁諭以搜捕事宜業將完竣如能奮勉立功即可仰邀陞賞倘有似畢萬年之怠忽從事者必致重干咎戾庶各員弁俱知警惕不致稍有疎懈

德楞泰又奏言前准撫臣馬慧裕來信以豫省  
西路防兵應否奏撤臣查陝境業已肅清卽川

境餘孽亦已搜洗殆盡所有川陝兩省鄉勇以  
及陝省西面防兵儘可撤歸營伍以重操防業  
致覆馬慧裕查照辦理奏入報

聞

二十三日戊申德楞泰奏言准賽冲阿來信川北

各處均無賊蹤惟探得通江之上高峪有土匪  
十數名經該處文武均已拏獲又擊斃李廷珍  
在黃草坡拏獲零匪一名又准楊遇春送到拏  
獲零匪一名又據王兆夢稟報在柴扒搜獲零  
匪一名又准豐紳送來拏獲零匪一名又據田  
朝貴稟報藍翎軍功羅思涵在東鄉官渡灣盤  
獲零匪一名又副將羅思舉稟報在太平之白

革勦盤獲零匪一名又盤獲土匪一名又都司  
龍必達在太平洞水沱拏獲苟逆營內僞先鋒  
魏國賢一名又據雷仁稟報大寧縣郭南英差  
役王選先等盤獲散匪一名現令都司馬正雄  
千總袁富把總翁翊清外委陳應元何玉貴遍  
處搜邏並無賊蹤等情又據副將馬元桂函稟  
報于總黎俸川等在於川楚界上長春壩碗架

山等處拏獲零匪二名外委李大才在太平寺  
拏獲僞先鋒陳朝彬一名都司高星文在石壠  
子搜獲零匪一名又據川北都司余步雲等稟  
報把總馬天魁在松樹壩盤獲零匪一名又城  
口都司謝成貴經歷朱向隆稟報武生朱一元  
等拏獲賊匪苟朝富一名訊係苟文潤之子又  
獲土匪一名又繳首級一顆認係苟逆營內占

課人陳大本又據署太平廳同知恒敏解到四  
方寨寨民拏獲零賊一名又據臬司劉清等稟  
報雲陽縣寨民唐朝禮拏獲零匪二名又據都  
司趙琴稟報在墊江縣大通寺拏獲土匪四名  
又候補知府常發祥解到盤獲阮正漋股內僞  
先鋒張大漋一名外委徐國碧在黃毛硐盤獲  
張漢潮股內零匪二名又據綏定遊擊涂陞稟

報分派守備曹興邦馬慶國千總岳廷森張應  
鼎郝玉龍陳上元把總何進等各帶官兵在於

所管界上梭織巡邏與副將馬應國遊擊熊敏

謙瞿心能等各路往來會哨均無賊蹤等情所

有各路獲犯均經

臣

訊明分別辦理再查首逆

苟朝九一犯

臣

從前厯訊獲犯均供逃過川陝

邊界現在實無蹤影前此據報拏獲苟朝九之

子苟新兒旋經查明係幼孩董貴實非苟朝九  
之子是以臣仍將董貴之名具奏並經勒保覆

奏在案

臣

凡遇獲賊無不詳細查訊卽如王騰坤

一犯係九月內據臬司劉清稟報詢供同苟朝

九滋擾今年八月間被官兵衝散同行六人假

裝乞丐均在梁山紅巖洞地方藏匿等語核其

供詞自屬可信當經臣派員前往亦無實在蹤

影又據候補知府常發祥稟報壯役王和在巴  
州地方盤獲乞丐張大灑一名供係苟朝九先  
鋒一共六人七月間散逃不知苟朝九下落並  
據劉清提訊相同又據署開縣知縣符永培稟  
報差役盤獲一犯自稱王作經迨臣派令趙洪  
周往認實非正身詰其因何冒認據供我們總  
是一死如認首逆就有人擡我又有喚的等語

緣兵勇軍民均知三逆在逃懸有重賞超陞之事無不希冀邀

恩故每獲一犯先以各首逆姓名相詢如隨口答應往往卽據供具稟臣深悉其弊知其不可盡憑故未敢妄賣

聖聰果蹤得確蹤實有其人

臣斷不敢以零匪已除

稍爲鬆勁致令漏網奏入

上命軍機大臣傳諭德楞泰曰此次各路搜獲零匪  
土匪計共有二三十名尙屬認真業據德楞泰將  
兵丁寨民等隨時分別給賞至據稱雷仁稟報都  
司馬工雄等遍處搜尋並無賊蹤又綏定遊擊涂  
陞稟報分派守備曹興邦等各帶官兵於該處界  
上梭逕往來會哨均無賊蹤是則未可盡信此時  
零匪愈搜愈少尤易隨處潛匿官兵從前當賊匪

充斥之時每遇冬令猶且畏寒憚勞不肯出力剝  
捕今祇剩一二殘孽官兵等益不免心存懈弛值  
此嚴冬冰雪交加且新年伊始更難保無株守卡  
座偷安度歲情事德楞泰當派員訪察如將弁兵  
丁等有似此怠玩搜捕率以並無賊蹤具報者卽  
當據實叅劾俾知懲誠至苟朝九王世貴王作經  
三犯必當設法躉獲卽如所奏獲犯王騰坤供有

會同苟朝九滋擾今年八月間被官兵冲散同行  
六人假裝乞丐在紅巖碉城匿之語又盤獲乞丐  
張大漋亦供稱係苟朝九先鋒一共六人於七月  
間散逃可見該逆等實係在逃未經殲斃或竄易  
姓名或改裝易服德楞泰仍當督飭各路一律嚴  
密偵緝務得確切下落卽業已被殲亦必實有證  
據方可憑信但此時兵勇軍民均知懸有重賞恐

不免希冀邀功任意妄拏逼拷而此次擒獲散匪  
卽有拏獲賊犯冒認王世貴王作經之事設不詳  
慎研訊正兇轉致漏網德楞泰尤當通飭購訪如  
有呈報拏獲此三犯者務須跟訊確鑿以正刑誅  
不可稍有疎率又據奏武生朱一元拏獲之苟朝  
富訊係苟文潤之子亦緊要匪犯該武生尙爲出  
力朱一元著賞給武舉以示獎勵現在節逾長至

天氣嚴寒德楞泰督兵在外備著勤勞著賞給黃面天馬皮馬褂一件用示眷注

十二月初五日庚申德楞泰奏言准臣賽沖阿來

信並王兆夢九十稟報旬日以來據各將弁往來曾哨均無逸匪惟據達自祥稟報在羊圈河盤獲零匪一名又准慶成來信前有零匪七人逸入楚界西溝之雲霧溪經副將呢瑪善帶兵

搜獲二名尙有五名東逃已挑派備弁窮搜等  
情又據副將馬元稟報在開縣之連環硐盤獲  
零匪二名又馬國銳一路盤獲零匪一名又平  
山溪老林內民人王振尙等格殺零匪一名又  
叅將李應元稟報在東鄉縣屬豐城盤獲零匪  
二名又據遊擊熊敏謙稟報盤獲零匪二名又  
外委李國泰盤獲零匪二名遊擊翟心能盤獲

零匪一名守備何天順在通江大石梁盤獲苟  
文明營內僞先鋒苟文舉一名訊係苟文明堂  
弟又都司葛天培在通江小紅河盤獲零匪一  
名又委查寨碉之訓導李化桂照磨周鳴霞稟  
報探得通巴交界之古墳壩老林內有零匪五  
人當卽齊集寨民捉拏當經殲賊二名追至茅  
草壩又將三賊全行擒獲又准馬瑜來信守備

謝金章稟報在開縣之大埢口天鵝池先後盤獲零匪二名又據臬司劄清稟報竹峪關守備馬林拏獲零匪一名都司趙琴拏獲零匪一名署開縣符永培拏獲零匪二名署大竹縣袁士繡拏獲零匪二名委員楊世綱拏獲零匪二名達縣余永寧拏獲零匪二名巡檢李暢拏獲零匪二名委員吳立勲盤獲零匪二名又南江縣

差役等在西溪溝盤獲僞先鋒王世鐸一名訊  
係首逆王世貴堂弟詰以王世貴蹤跡據供自

七月間剿散後各自逃生實不知逃往何處等

語臣於解到各獲犯均訊明分別鬮割正法又

查沿邊一帶山中現屬嚴冬冰雪深厚官兵星  
羅棋布逸匪無從掠食現已巡搜殆盡惟總兵  
雷仁所管大寧之百里荒段內尙有逸匪十餘

名至今未獲

臣

嚴飭該總兵親身帶兵入山搜

捕並添派叅將李應元都司沈文同豐紳就近

所派遊擊張拱辰守備張必祿均各分帶官兵

采入協力擒拏此外各管段落多已無賊奏入

上命軍機大臣傳諭德楞泰曰此次各路鎮將及地

方官等搜獲零匪土匪等計有三十餘名所辦尙

好惟王世貴等三犯尙未就獲現據奏稱雷仁所

管大寧之百里荒段內尙有逸匪十餘名安知王  
世貴等三犯不改易姓名潛匿其中卽未必全行  
竄入或有一二犯在內亦未可定德楞泰務當鼓  
勵將士協力搜拏將百里荒逸匪殲除淨盡或卽  
可於此內弋獲三首逆一勞永逸豈不甚善

初九日甲子勒保奏言臣連日據各路文武解到

匪犯親加研鞠內據雲陽縣獲解之包名芳一

名審係已正法包正洪之弟充當老掌櫃戕害  
多人當卽凌遲處死其餘各犯亦均訊明分別  
辦理至川省隨征鄉勇現經德楞泰專派提督  
馬瑜馳赴綏定會同臬司劉清督率委員知府  
積朗阿知州葉文馥並地方官等妥爲查辦節  
據稟報副將馬應國等所帶征勇已撤回五起  
連外委減青雲所帶之勇亦分起凱撤先後遣

撤四百三十五名均經詢明籍貫住址及有無  
家屬產業其中情願回家安業者固多而欲到  
家後充本處營兵衙役者更復不少情形極爲  
寧貼隨後尙有一千數百名均當查照章程妥  
爲辦理奏入

上命軍機大臣傳諭德楞泰勒保曰此次各路文武  
查拏餘孽漸就淨盡惟苟朝九王世貴王作經三

犯尙未就擒本日摺內梁敦懷獲解之包名芳審  
係首逆包正洪之弟曾充老教掌櫃此係稔惡兇  
徒積久稽誅迄今始得弋獲可見苟朝九等三犯  
必係改名易姓或卽在百里荒一帶潛竄德楞泰  
勒保惟當一體嚴飭文武留心躡緝毋稍懈弛其  
未撤之鄉勇一千數百名勒保德楞泰卽當以次  
裁撤完竣俟明歲春融再將官兵內營分較遠者

徐爲裁撤歸伍至遲三月總可撤竣彼時苟朝九等三犯自可全行擒獲卽尚有未獲之犯亦可專交地方官及營汛員弁隨時認真查拏德楞泰俟官兵全撤完竣即可回省任事以便勒保來京瞻覲此係朕通籌威事全局先行指示德楞泰勒保祇當存之於心不可預有宣露使鎮將官兵等聞知致涉鬆懈

十七日壬申方維甸奏言竊苟朝九一犯前經臣

派員躡緝去後茲據道員銜漢中府知府朱綏

稟報十一月三十日署青石關巡檢候補縣丞

唐錫鐸據案民閔士海黃清等探報有賊匪數

人搶掠後槽陳善玉李虔等家米肉衣物戮傷

店戶沈貴該員卽帶幹役案民往拏追入老林

十二月初一日南鄭縣候補同知直隸州李師

自聞信亦曾同營弁王綽馳往一同深入老林  
初三日追至莽洞見有持矛賊匪閔士海首先  
上前擒獲經眼目戴聲名識認所獲之賊實係  
首逆苟朝九比對飭發年貌相符當據苟朝九  
自行供認原在羅其清及伊父苟文明賊股內  
迨苟文明就殲係伊帶同零匪渡江官兵擊散  
後卽在邊界老林帳轉竄匿近因川陝各路官

兵搜逼嚴緊與零匪三人逃來乘間掠食等供  
該員等復將該逆同行賊匪劉之爵一名拏獲  
訊係張士聰股內零賊與苟朝九合夥搶掠尙  
有同行之杜添盛張萬舉二賊現在嚴查等情  
臣  
查首逆苟朝尤於名股逆惡殲捕之後尙敢  
乘間倉殺實屬罪惡貫盈仰蒙

皇上洞燭先幾

諭令於陝境零匪中查緝今果於陝境拏獲不出

聖明指示之內

臣

曷勝欽服欣慶之至現已遴派文

武幹員迎解來省親提訊問並調他處眼目覆

加識認如果實係苟朝九正身再將出力之員

弁兵勇奏懇

聖恩獎勵奏入

上命軍機大臣傳諭方維甸曰苟朝九係苟文明餘

孽於各股逆惡殲捕之後尙敢帶同殘匪到處搶殺罪惡貲盈斷不可任令漏網茲據奏稱該逆逃至南鄭縣地方老林經寨民閔士海等呈報當經知縣候補同知直隸州李師白會同營弁王綱及署巡檢唐錫鐸等率領兵役卽帶同閔士海深入搜拏閔士海首先上前擒獲現據眼目戴聲名識認實係該逆比對飭發年貌相符等語該犯罪惡

貢盈自難佯逃顯戮卽地方文武員弁亦未必敢妄拏邀功惟賊匪狡猾異常其夥黨內往往於被獲後自認首逆希冀官兵稍懈首逆乘間逃生其情僞迥出意想之外現在方維甸提省親訊并帶他處眼目識認務需悉心研究確鑿無疑方可定爲苟朝九正犯卽認識之眼目人等亦須詳細詢問伊等因何認識該犯不得扶同妄指方維甸訊

閔明確毫無疑義一面將苟朝九割割鼻示仍由  
等官驛遞具奏一面飛咨德楞泰令川省停緝其  
拏獲該犯之閔士海等卽當遵照賞格給發銀兩  
奏明賞給官職其出力文武各員如李師白等亦  
著據實保奏陞用設或所獲之賊竟非苟朝九該  
撫據實奏明並無不合且現獲之賊雖非首逆亦  
係零匪現在搶掠傷人罪犯應死總係應拏之人

何所用其廻護倘或悞認正賊又因業經奏明輒  
思含混了事致該逆從此得以漏網不能再行弋  
獲則該撫等咎無可辭矣

同日德楞泰奏言連日准賽冲阿來信把總郭  
榮等在天池寺老林搜獲零匪一名殺斃拒捕  
賊匪一名又在敘口壩盤獲假裝零匪一名在  
九陣壩盤獲土匪一名又據總兵九十稟報拏

獲土匪二名又准豐紳咨報拏獲一名又據總

兵馬國銳稟報守備李廷廣拏獲土匪四名又

據總兵田朝貴稟報都司龍必達在大河壩一

帶盤獲零匪三名又據參將李應元稟報在瓦

子坪盤獲零匪二名又據副將羅思舉稟報在

涼風埢老林一帶先後盤獲零匪三名又都司

黃廷相稟報在明通井盤獲土匪一名又據城

口經厯朱向陞稟報督同天心寨民易選章等  
拏獲苟逆營內僞元帥龍順一名又據綏定總  
理臬司劉清稟報都司趙琴在墾江盤獲零匪  
二名又據副將馬元稟報在綏定途次盤獲零  
匪一名又據遊擊涂陞稟報在東鄉江口等處  
盤獲零匪二名又獲土匪三名又于總陳安邦  
在通江老林拏獲零匪三名又委員田文烜在

巴州兩河口盤獲零匪一名又據東鄉縣楊世  
釐稟報在堡子坪盤獲零匪一名又據署奉節  
縣朱法祖稟報南漕寨寨首倪科等盤獲零匪  
二名臣查各路所獲零匪土匪內除賽冲阿二  
路就近查辦外其餘解送綏定經臬司劉清審  
訊錄供稟請核辦臣已覆加查核批飭辦理其  
就近解送到營者臣研訊明確均卽分別鬪割

正法其偷竊土匪均卽枷責示懲實係良民均  
卽省釋其前此百里荒逸匪十餘名近又向界  
上之黃官壩北竄臣現令豐紳督飭各路趕緊  
搜捕並分飭王兆夢雷仁馬國銳等分帶官兵  
四圍截擊又准慶成來信前此東遁竹境零匪  
五名當派叅將李貴守備任得福并西溝卡弁  
兵窮追至陰峪河老林躡覓無蹤臣亦已飛飭

巫山大寧邊界各處卡隘探明協力截拏無稍  
鬆懈奏入

上命軍機大臣傳諭德楞泰曰此次擒獲各匪又有  
二三十名惟據稱百里荒逸匪十餘名近又向黃  
官壩北竄又前此東遁竹境零匪五名經參將李  
貴等窮追至陰峪河老林躡覓無蹤等語此則最  
關緊要該匪等一經散竄設官兵躡緝稍疎必致

潛匿他處別滋勾結計此旨到日已將屆歲除德  
楞泰當嚴飭該鎮將等務須督率官兵將兩路十  
數竄匪悉數擒獲不可因度歲稍有鬆勁致匪犯  
漏網爲要

同日德楞泰又奏言查陝省西面寧羌一帶防

兵前經臣

奏明卽令楊遇春赴漢中郡城遣撤其川省嘉陵

江岸上下游舊設防兵亦應全行撤遣惟查廣

元之七盤關朝天關兩處爲川陝通衢要隘現

在零匪窮蹙四散或有乘間逸出亦未可定似

應酌留官兵以資盤詰並可查拏土匪

臣查上

下游分防川北官兵一千四百餘名內擬令副

將王威寧揀出三百名仍駐七盤關令守備楊

正愷管領駐防以一百名交守備徐忠質管帶

仍駐朝天關均歸該營之副將王威寧統轄嚴  
密巡查其餘上下游川北鎮屬派出之防兵一  
千一百餘員名重慶鎮標派出新陳官兵三百  
餘名均令凱撤以資採防其由省標派出之防  
兵三百四十餘員名卽令原帶之雲南撫標參  
將閔懷希管領回省後飭令閔懷希卽回本任  
其松潘鎮標派出之官兵五十餘員名令原帶

之南坪營都司珠隆阿管領回營  
臣與勒保往返函商意見相同分別札飭辦理奏入報

聞

二十八日癸未德楞泰奏言連日在賽冲阿來信  
遊擊李廷珍等分兵在定遠廳之野雞嶺等處  
先後盤獲零匪二名守備馬秀在元麻溝盤獲  
零匪一名又巡檢王森盤獲零匪一名又據添

將祝廷彪稟報探得黃官壩北竄之賊十八名  
被各路官兵截擊在打過坪分逃祝廷彪帶同  
守備王興劉印景等於初六日搜至大木梁老  
林邊截住拏獲五名尙有二人跳巖遁去又被  
王兆夢官兵在岩屋溝截獲僞總管張以周一  
名訊據供稱被兵搜急在打鼓坪與王世貴分  
路王世貴帶有九人三個小娃子向大梁東南

逃去我們七人逃走不脫被拏等語又准豐紳  
咨報拏獲土匪一名又據田朝貴稟報拏獲零  
匪五名又據都司張萬林稟報在開縣塘灣  
一帶訪獲土匪一名在三灘口盤獲零匪一名  
又據都司余步雲守備馬大綏稟報拏獲零匪  
一名所有各路獲犯除賽冲阿訊辦外其餘解  
送到營者臣隨時訊明分別辦理查獲犯所供

是王世貴一起十一人仍在川陝沿邊一帶折

竇

臣

飛函詳致豐紳並嚴飭馬國銳雷仁及陝

境之王兆慶等各帶弁兵併力截拏以期必獲

近復探得苟朝九一犯在巴州太平交界逃竄

又據遊擊曾受稟報探得湖北兵民在鳳凰坡

一帶業已盤獲首逆王作經均尙未得確信除

再飛札確查外仍飭各路員弁兵勇上緊廻拏

勿任疎懈奏入

上命軍機大臣傳諭德楞泰曰此次各路搜獲偽總管張以周等十餘名惟王世貴王作經苟朝九三犯尙未報獲前據方雖匈奏稱苟朝九一犯逃至南鄭地方老林經寨民閔士海呈報知縣李師白率同營弁等擒獲據眼目戴聲名識認屬貴等語當經降旨諭令方雖匈審訊確實再行具奏想德

楞泰發摺時尙未得信但本日摺內奏稱苟朝九  
一犯在巴州太平交界一帶逃竄或方維甸前奏  
擒獲之犯竟非正兗亦未可定至摺內稱據遊擊  
曾受稟報探得湖北兵民在鳳凰坡一帶業已盤  
獲首逆王作經之語恐亦未確德楞泰惟當督飭  
鎮將等嚴密廻拏務獲以息浮言此次探報該逆  
等分起逃竄各十餘人或正犯並不在內而首逆

亦並非王世貴三犯祇係餘匪假冒其名希圖勾  
結俱未可知但旣有此語無論是否有三首逆在  
內總當儘數擒獲務淨根株此時已屆歲除計明  
年正月杪二月初該逆等自可全獲彼時德楞泰  
當遵照前旨將官兵以次裁撤如尙有未獲之犯  
即可責成地方文武隨時緝拏但此時德楞泰斷  
不可預露此意致鎮將等聞知稍有懈弛務當克

期於正月內將該三逆全數殲獲以盡全局方爲  
安善

德楞泰又奏言查東二省馬隊官兵前因南山  
苟逆餘匪未靖經額勒登保將楚省第四起應  
撤回旗之黑龍江部委營總和隆武所帶馬隊  
官兵一百十二員名截留赴陝分撥協剿迨今  
秋額勒登保回京時又內留侍衛彥不勒富祥

二員令其帶領以便凱撤時沿途照料各等因  
此時全境肅清臣現卽發給護牌令侍衛彥不

勒富祥並原帶之和醫武等管領定於本月十

三日自四川城日起程由太平定遠西鄉一路

北上并知照沿途安<sub>心</sub>爲應付再查前欠遣撤東

三省各兵丁內有

賞戴花翎者嗣奉

恩旨回旗後若仍與兵丁一例當差實與體制不符  
酌給額外驍騎校遇缺卽補欽遵在案茲查精額  
哩一員卽係領催

賞戴花翎之人應照例給與額外驍騎校遇缺卽補  
奏入報

聞

欽定剿平三省邪匪方畧續編卷三十五 乙丑年

正月初十日

乙未

方維甸奏言竊首逆苟朝九就

獲昨據將該犯並同獲之劉之爵一併押解到

臣省當卽率同司道屢次研訊據苟朝九所供

伊父苟文明及伯叔兄弟妻子親屬一一符合

并供出苟文明僞稱元帥時賊營內先後僞封

總兵先鋒各姓名甚爲詳晰及訊以節年竄擾

臣

蹤跡厯厯如繪質之劉之爵供亦相符復率同司道於監犯內選出與苟朝九年貌相似者將苟朝九雜入其中令寧陝陝安兩鎮及漢中府送到眼目等并現獲苟文明苟朝九股內賊匪隔別傳至當堂令一人認過後再令一人識認共計眼目陳鳳等五名均識認無異又令與現在所獲苟文明苟朝九股內賊匪斬士錫朱

士浩等相見亦能說出姓名

臣

復詢問眼目人

等因何認識該犯據寧陝新兵陳鳳苟文朝供

稱係五年三月四月被苟文明裹去數月賊營

內皆稱苟朝九爲少掌櫃所到之處衆人讓路

是以認識又據陝安鎮眼目張印昌子任二娃

子供稱係七年六月九月被苟文明股內裹去

苟朝九七年十二月過江時曾經見過是以認

識又據漢中府眼目戴聲名供稱係六年七月

被苟文明股內矛手冉士剛裹去背糧九個月

始行逃出是以認識至賊匪靳士錫係僞元帥

靳士黃堂弟曾隨同苟文明在階州打仗賊匪

朱士浩係苟文明股內矛手曾隨同苟文明過

江該二犯均係陳賊尤與苟朝九熟識造據道

員銜商州知州陳祁稟報查出螞蝗溝有傭工

婦人李氏劉氏係苟逆股內逃出之人當經陳  
祁傳訊祇供曾被賊擄再三盤詰始據劉氏供  
係賊目張芳之嫂與苟朝九熟識并指出李氏  
係苟朝九之妻李氏知難掩飾亦卽供認臣隨  
將李氏等飛提到省李氏所供苟逆親屬及與

苟朝九失散年月地方悉皆符合因先令劉氏  
認明苟朝九復令李氏與伊夫當堂見面乍見

時神色驚異相對流涕彼此均各指認不譁訛  
明後一同帶出堂外該逆夫婦卽縷談家事及  
別後情節絮語不休察看情形其爲苟朝九正  
犯毫無可疑且現據漢中府知府朱叛委員搜  
拏逸匪杜泳盛等在回軍霸地方拾得油綢包  
一個查係邪教經本字單內有習教入門單一  
紙寫出苟文明姓名臣當將經本字單給予苟

朝九閱看據該犯供係七年正月內伊父苟文明交付收藏昨因寨勇追趕緊急恐被拿獲搜出在回軍壩地方棄擲就此一節印證亦可爲

苟文明親子之據查苟朝九係著名惡逆率衆竄擾漏網多時茲於陝境零匪內搜獲實足快人心而申

國憲臣已質訊明確應遵

旨卽將苟朝九綁赴市曹凌遲梟首現已恭請

王命委令臬司朱勲中軍叅將李英多監視行刑仍  
一面飛咨德楞泰停緝劉之爵一犯在賊營日  
久迨官兵勦散之後猶敢出沒老林搶掠亦一  
併正法苟朝九之妻苟李氏應行緣坐照例解  
京辦理張劉氏係賊匪張芳之嫂例不緣坐應  
母庸議臣查獲犯之寨勇閔士海等及山內窮

搜林等獲犯較多並安插鄉勇散遣游民出力  
之員容臣確切查明奏請

獎勵奏人

上命軍機大臣傳諭德楞泰曰前據方維甸奏稱於  
南鄭縣老林拿獲首逆苟朝九當經降旨諭令該  
撫親提訊究必須確鑿無疑方可定爲正犯茲據  
方維甸覆奏質訊明確錄取供詞呈覽並經各處

眼目及現獲苟文明股內殘匪隔別指認屬實又據盤獲螞蝗溝傭工婦人李氏究出係苟朝九之妻當提該犯當堂見面神色驚異彼此均各指認不諱訊明後帶出堂外該逆夫婦縷述家事及別後情節絮語不休等語看此情形其爲苟朝九正犯實已確鑿可信據方維甸遵旨將該逆辦理一面飛咨德楞泰停緝該逆未獲以前各處零匪恐

或有冒認首逆之名潛滋勾結而官兵寨民等知  
懸有賞格亦不免意存邀功今旣經就擒德楞泰  
卽當通飭各路帶兵鎮將官弁及地方官等一體  
知悉停緝俾衆疑盡釋不致再有假冒妄拿爲要  
至王作經王世貴二犯自亦可就弋獲德楞泰此  
時惟當嚴飭查拿勿使漏網然亦不值因此一二  
殘孽久駐重兵總俟二月間察看情形如該一二孽

果已擒獲固屬甚善不卽遵照前旨交與地方文武隨時搜緝將官兵以次裁撤用歲全局德楞泰即可回省任事

上又命軍機大臣傳諭方維甸曰苟朝九係著名惡逆率衆竄擾漏網多時上年該逆逃至南鄭縣地方老林被寨民閔士海等擒獲經方維甸將該犯悉心研究確鑿無疑當卽將該犯斷割鼻示實足

以伸國憲而快人心餘均照所奏辦理至拿獲該犯之閔士海及出力文武各員着方維甸查明據實保奏候朕加恩其所稱窮搜林箐獲犯較多及安插鄉勇散遣游民出力之員並着方維甸查明  
具奏再降恩旨

十二日丁酉德楞泰奏言臣接據探報荷朝九一

犯業經陝省生擒由方維甸處訊辦又據楊芳

稟報防江把總王瑞琨在石泉梅湖江岸盤獲  
逸匪靳士錫等三名亦經解赴西安歸方維甸  
審辦連日據各路稟報軍功孫天定在水硐子  
盤獲零匪一名又兵丁田敖等拿獲零匪一名  
兵丁傅德盤獲零匪一名又都司馬士相拿獲  
零匪一名外委常殿元拿獲零匪一名守備馬  
秀拿獲零匪二名又據副將羅思舉等稟報派

兵與地方委員李化貴等分路搜拿鍋團園之零匪十八人追至陝境城固交界之洋峪塘後山四面截住共殺賊匪六名生擒七名尙有賊匪數名跳崖分逃復經趕緊追捕先後拿獲此起十八名前後斬獲淨盡陣亡軍功一名又都司龍必達在通江李家灣拿獲零匪一名通江縣劉銓拿獲零匪一名又營弁鄭啓倫在城固

界上梳子坪拿獲零匪一名又據守備張洪成  
拿獲零匪一名又于總王玉林搜斃拒捕賊匪  
一名又據臬司劉清稟報差役在忠州汝溪灘  
盤獲零匪一名又據同知常發祥稟報拿獲零  
匪一名又據夔州府知府周景福稟報拿獲零  
開縣盤獲零匪一名所有各路獲犯均經訊明  
分別辦理至王世貴等十一犯蹤跡詭譎朝東

暮西前聞遁入化龍山被王兆夢雷仁馬國銳等轟出遂又東奔八百溪復被慶成慶溥之巡  
兵截回近又折入川境之要壘小峪河有走百  
里荒之勢現有豐紳督飭馬國銳雷仁等分路  
截拿臣又添派官兵協同躡緝總不致任令漏

網奏入

上命軍機大臣傳諭德楞泰曰此次據奏各路搜獲

零匪又有三十餘名現在川境大寧一帶零匪祇  
有王世貴十一名及川北零星逸匪十餘名已據  
德楞泰分派官兵四路圍拿當飭令該鎮將等儘  
此月內將兩處餘匪殲除淨盡其王世貴一犯必  
當弋獲或王作經卽在兩處竄匪之內亦未可知  
如能一併就擒固屬甚善設殲獲王世貴而王作  
經尙無下落亦不值以重兵圍捕德楞泰卽道照

前旨交與地方文武協力訪拿一面將撤兵事宜  
妥行辦理所有此次陣亡軍功一名着查明咨部  
賜卹

二十六日 辛亥 德楞泰奏言竊查新正以來准賽

冲阿來信副將吳亨衍先後在西鄉鍾家溝一

帶盤獲零匪三名又都司馬士相在上壩清水  
河搜獲零匪一名現在巴山老林四面已令副

將閻俊烈等會同田朝貴等分兵數十路往來  
梭織排搜只有散竄零匪八九名不日即可掃  
淨此外定遠西鄉各處均爲寧謐等情又據總  
兵王兆夢稟報叅將祝廷彪在平利洋溪河盤  
獲零匪一名又據總兵田朝貴稟報與閻俊烈  
分兵多路在於巴山圍搜都司龍必達把總向  
貴搜至川陝界上之金雞嶺一帶斃賊一名餘

回被兵衝散守備張應錫追至三郎廟拿獲二  
名千總王紹武搜至筭子坪又獲一名尙有八  
九名星散現在分投追拿等情又據總兵雷仁  
稟報去臘三十七日把總周鳴山在大寧之核  
桃壩盤獲零匪一名又據都司余步雲守備馬  
大綏等稟報武舉熊文炳在黑砲山拿獲零匪  
一名又據副將馬元稟報在開縣山外拿獲土

匪四名又准豐紳來信前竄陝境零匪十一名  
折回川境要壩小峪河隨又南竄雙龍寨二十  
九日遁入百里荒之銅領包已知會總兵馬國  
銳在老鴉舖磨盤寨截其東北之路豐紳督兵  
在西溪口一帶堵過該逆黑夜竄至柴扒老林  
被寨民磚石打死二名滾崖一名聰明屍身並  
非首逆王世貴現令副將馬文斌等分投圍捕

等情臣又飭令雷仁副將馬元桂涵等由大寧

紅池壩一帶自東抄截西來又令王兆夢分兵

前來界山擒拿至此外陝境川境各路具報往

來遍搜不但均無賊蹤卽土匪亦皆潛消滅跡

所有各路獲犯解送到營均經臣訊明分別辦

理臣查三省邊界毗連綿亘不下三千里刻下

惟定遠之巴山剩有零匪八九名川陝界上老

林內剩有零匪八名其餘山之內外各屬地方均無遺孽第首逆王作經一犯久無下落王世貴一犯雖前據供在十一人之內除此次擊斃滾崖三名現查祇剩八人此時官兵分爲數十路各處截拿兩省文武實在嚴密果有首逆在內自亦終難免脫且查王世貴雖與苟文潤狼狽爲奸不過兇悍戰手王作經年近五旬係屬

襄陽老教黨羽業已全無現在川陝官兵不下  
二萬所有零匪旣已搜捕殆盡若因一二首逆  
在逃遂爾綴留多兵實屬不值似可責成地方  
文武緝拿以節糜費卽或再有土棍土匪不法  
等事尙有三省暫留防兵亦足以資彈壓臣揆  
之事勢實爲完善可期一勞永逸頃又准楊遇  
春來信行至定遠廳業與賽冲阿會合將應行

凱撤官兵次第事宜商妥已向東來計十五六  
日可與臣面晤臣現擬俟伊到來再與熟商將

川陝應撤二起官兵分別調撥歸隊臣俟將界

上零匪與巴山零匪名數均已掃除後如首  
逆在內固爲甚善設或竟無蹤跡而零匪全行

淨盡該二逆亦可通交地方官糾捕辦理查城

河爲山內兩省適中之地擬令豐紳暫行駐此

與楊遇春會哨彈壓臣卽出山由太平移至綏定將應撤二起官兵分起遣撤完竣後酌量情形如地方無需兵力駐防彈壓則防兵亦可全行凱歸以歲全局奏入

上命軍機大臣傳諭德楞泰勒保曰德楞泰奏川陝官兵搜捕餘匪殆盡酌擬裁撤官兵一摺內稱各路獲犯解送到營者九名均經分別辦理楚陝各

境均屬寧靜川境惟定遠之巴山剩有零匪八九  
名川陝界上老林內剩有零匪八名王作經王世  
貴尙未就獲並與楊遇春賽沖阿會商撤兵事宜  
等語此摺德楞泰於本月十二日拜發距月底尙  
有旬餘伊等會商撤兵應自遠而近計現在官兵  
尙有數十路並各處寨民截拿兩省文武盤詰諒  
月內必當將零匪搜捕淨盡並將王作經王世貴

二犯擒獲德楞泰仍應督飭各路將弁上緊巡搜  
將十數餘匪尅日殲除即可遵前旨將官兵裁撤  
設屆期餘匪全就肅清而王作經王世貴二犯仍  
未就獲自不值因此二逆羈留重兵彼時德楞泰  
一百將官兵以次全撤所有該二逆仍交地方文  
武實力搜擒不可視爲海捕具文一經擒獲卽報  
明總督將軍仍將擒獲該逆之人照從前賞格賞

給以示獎勵

二月初四日戊午

上命軍機大臣傳諭方維甸曰朕閱看剿平三省邪匪方畧內載嘉慶三年十一月宜綿奏川省各股賊匪同時闖入西鄉紫陽衝撲經慶溥等督率官兵堵遏去路賊匪聚三千餘人直撲土地嶺義首金鳳帶鄉勇二千餘名赴援奮力夾攻斃賊五百

餘名賊匪始行折回兵勇追殺又斃男婦大小五百餘名口餘匪遂翻西鄉之鹿池山竄入太平等語三年冬間川省各股邪匪屢經竄入陝疆情形猖獗此次由西鄉衝入紫陽之賊雖經領兵各員分投抵禦並有地方文武嚴堵卡隘而賊匪依然恃衆攻撲賴義首金鳳帶鄉勇二千餘名悉力赴援前後斃賊千餘名該匪始行敗竄該義首金鳳

深知大義出力可嘉其功實不可泯彼時宜繙具  
奏並未聲請恩獎着方維甸卽行詳悉查明該義  
首現在何處自此次立功之後曾否再經立功並  
有無邀受獎賞之處一併據實奏聞

初十日甲子德楞泰奏言現在搜剿將竣准賽冲

阿來信據副將閻俊烈報稱守備馬秀委員張  
在雲等盤獲零匪一名把總溫國英在後槽程

玉家盤獲偏工之零匪一名又據達自祥稟報  
額外馬鳴鵬協同職員王世琳在岩窩溝林內  
搜獲零匪二名尙有一名滾崖用矛戳斃又據  
田朝貴稟報外委趙瑩在通江留壩寨盤獲零  
匪一名千總田長銘拏獲土匪一名其王世貴  
零匪據雷仁稟報接到楚省遊擊李東宣等來  
信初十日在大小峪河見有搬家歸業男女六

人內盤獲零匪二名又據署開縣符永培稟報  
拏獲土匪二名至此外各路稟報所管段內並  
山外各屬往來梭織遍搜均無遺孽至南山零  
匪現據楊芳稟報剿剩尙有七名窮蹙投出現  
經守備顧應全解送方維甸處核辦現計川陝  
搜防官兵不下二萬祇剩兩起十數名之賊實  
不值再留多兵茲楊遇春豐紳先後前來會合

復准賽冲阿來信並將二次應撤官兵姓名清  
冊送到計陝省現在滿漢官兵九千有零今酌  
撤滿漢官兵四千餘員名令賽冲阿達自祥等  
統領帶至漢中府分起凱撤各回本營尙留防  
兵四千七百餘員名卽令王兆夢九十分帶於  
平利定羌東西兩面巡查鎮守楊遇春亦酌分  
官兵督率田朝貴吳廷剛等先將巴山數賊辦

淨再赴定遠西鄉漢中一帶駐防至於川省現  
有官兵八千二百有零擬將營分較遠之陳兵  
及續調之患病疲乏者先撤四千二百餘員名

臣統領至太平之官渡灣再令馬國銳副將李

廷臣叅將劉廷斌帶至綏定分起凱撤尙有留  
防官兵四千有零交豐紳督率將弁將王世貴  
等數犯擒獲後分佈於沿邊一帶與陝境楊遇

春等巡查會哨其川東川北等處卽交本鎮雷

仁田朝貴等與陝楚之慶浦吉林泰九十五兆

夢隨時巡查會哨豐紳仍駐於適中之城口鎮

守巡防如此分佈似屬周密

臣卽於二十六日

自城口出山移至太平之官渡灣俟將巴山及

界上數逆就擒則三省零匪一孽無遺

臣再至

綏定酌看情形如果無須彈壓則防兵亦可接

續凱撤

臣

道

旨回省任事奏入

上是之

二十五日

己卯

德楞泰勒保奏言查川省各路隨

征鄉勇共一千八百餘名前經

臣等

奏明於官兵未撤以前先行遣撤仰蒙

格外鴻慈加賞銀兩令爲妥辦等因伏思此項鄉勇

人數稍多必須大員經理查得調任雲南提督

馬瑜隨

臣

德楞泰軍營辦理翼長事務該勇等

素所信服

臣

勒保又令臬司劉清等妥協照料

所有總兵田朝貴副將馬應國馬元桂涵羅思

舉遊擊高星文都司史定川守備謝金章千總

陳安邦外委臧青雲等十路鄉勇按五六十名

至七八十名爲一隊共分四十二起間日前赴

綏定詢明情願入伍充役回籍分別三項註明  
造冊由地方官另備空房爲之棲息復捐給酒  
肉飯食令糧員主簿趙炳然等照每名賞銀十  
兩之數封固共藍翎及有頂戴軍功等均加半  
倍將銀兩封固書定姓名卽派該管員弁遞送  
各營籍交官當堂給領其每起器械均經按名  
繳銷當經馬瑜劉清等宣示

皇仁剴切曉諭該勇等無不感激歡欣齊向北排跪

叩頭謝

恩察看實出至誠其沿途行走均按站給以銀米該鄉勇等在途極爲安靜陸續已據各營各地方官取其親族隣佑印甘各結備案茲於二月初九日業已全行遣撤完竣臣於二月初一日行抵官渡灣據遊擊熊敏謙稟報在東鄉縣屬羊

怙嶺林內搜獲賊匪一名又守備張洪成稟報  
在於飯店僱工內盤獲苟文潤營內僞總兵羅  
思朝一名又據遊擊楊登魁稟報長壽縣武生  
劉貴盤獲假裝乞丐之零匪三名又同知恒敏  
稟報在火石嶺拏獲土匪一名又開縣典史葛  
浩稟報在溫湯井鹽廠上盤獲零匪一名又會  
同汎弁任萬林緝獲土匪三名臣已飭知劉清

將各犯研訊分別辦理奏入

上命軍機大臣傳諭德楞泰勒保曰德楞泰奏回師已至太平撤出二次官兵分起凱旋並搜獲零匪土匪各情形一摺覽奏俱悉此次各路搜獲零匪上匪數名惟王世貴王作經二逆尙無下落現在兩省山中據各將領等稟報躡探無賊王世貴等六名或改易姓名潛匿碉寨亦不可定自不值羈

留多兵虛糜餉項德楞泰如查明沿邊山內實已  
淨盡卽當將三起官兵接續凱撤該將軍緩行回  
至成都將欽差關防交與勒保接收該將軍卽暫  
署四川督篆以便勒保起程來京陞見其欽差關  
防卽着勒保賚送回京呈繳所有未經就獲之首  
逆王世貴王作經等犯務須飭交地方文武上緊  
查拏勿稍鬆勁

三月初十日 甲午 德楞泰奏言查前此會籌三省

安設防兵及會哨章程時因山中尚有成股散竄零匪故均酌留多兵往來會哨今則零匪淨盡三省一律肅清前後情形迥不相同自應量爲變通又查善後案內陝西沿邊陝安寧陝兩鎮共添官兵六千餘名四川沿邊鎮營添官兵一千餘名湖北沿邊鄖宜兩鎮亦有增添之兵

刻下三省旣已全行肅清若仍留征兵巡防不但地方文武觀望推諉且多糜費自應籌計設法辦理除三省提督仍照原奏酌帶官兵每年會哨一次各本鎮總兵每年春季二月秋季八月會哨二次並寧陝鎮卽在於終南山自行帶領本鎮官兵巡查二次母庸會哨外臣擬令責成統轄之總兵及該管營汛將備等按月輪流

分派本營官兵在於各管之地面並接壤連界  
之處會哨一次庶使山陬僻壤不時有兵巡邏  
可以隨處查訪設有搶劫不法等事毋論何處  
皆可協力查拏如四川巫山縣東面營訊與湖  
北巴東縣之三溪河馬寨羅坪教場壩五里坡  
一段連界責令巫山營都司馬騰龍每月派兵  
一百名與湖北總兵吉林泰派出之遊擊都司

一員帶兵一百五十名會哨其巫山縣屬大昌  
營汎與湖北巴東興山房縣之陰條嶺九湖坪  
琴樂坪等處一段連界責令大昌營守備蘇國  
棟每月派兵一百名與湖北吉林泰派出之都  
司守備一員帶兵一百名及興山營遊擊常祿  
派兵一百名會哨其四川大寧縣屬徐家壩營  
汎查與湖北房縣竹谿縣陝西平利縣鎮坪之

張公橋蕭家坡雞心嶺一段連界責令徐家塘  
守備曾大用每月派兵一百名湖北竹山協副  
將呢瑪善派兵一百五十名房縣遊擊沈彪派  
兵一百名會哨共一碗泉大小峪河一段令曾  
大用另派千把一員帶兵五十名令陝西鎮坪  
營都司馬仕相酌派千把一員帶兵五十名會  
哨其四川太平協城口營汎查與陝西平利安

康紫陽三縣之磨盤寨長坪平溪河兩扇門八  
仙河油榨坪打鼓坪紅岩寨一段連界責令城  
口營都司謝成貴每月派兵一百名與陝西鎮  
坪營都司馬仕相派兵一百名會哨其川陝連  
界之南天門漳河坪楊泗岩乾樹梁大小白河  
茨蓬溝一員令都司謝成貴酌派千把一員帶  
兵一百名與紫陽營都司王建謨派兵一百名

會哨其四川太平協所轄西北面與陝安鎮所  
轄連界之高頭廟羊耳廟冉家廟大竹河一段  
責令太平協副將羅思舉派兵一百名與陝安  
鎮總兵王兆夢按月撥派將備酌帶兵二百名  
彼此會哨又太平協西南面與陝西漁渡營之  
星子山皮貨鋪滾龍坡平樂鹽場一段連界亦  
令羅思舉另派守備一員帶兵一百名與漁渡

營都司張俊酌派千把一員帶兵一百名按月會哨其四川通江縣屬竹峪關營汎查與陝西漁渡營之長嶺紅洋河三花灘油路埢簡池壩瓦石坪一段連界責令竹峪關營守備馬林派兵一百名與漁渡營都司張俊派兵一百名每月會哨其四川通江縣屬通巴營汎查與陝西西鄉營之奎星樓兩河口天池寺龍池場菩提

河細辛壩空山壩柳林溪一段連界責令署通  
巴營守備陳安邦派兵一百名與西鄉營遊擊  
王得勝帶兵二百名每月會哨其四川川北鎮  
所轄廣元之野人村等處與陝西漢中協所轄  
之羊圈關水磨河等處一段連界東西綿長三  
百餘里責令川北鎮總兵田朝貴漢中協副將  
唐文淑每月各派將備各帶官兵二百名會哨

其四川廣元縣屬黃楊水營汎查與陝西鋼廠  
營之七眼洞漫山坪關口壩荷葉嶺哨風樓花  
石梁巫山埢五郎廟一段連界責令黃楊水營  
守備高占魁派兵一百名與銅廠營守備宋連  
每月派兵一百名會哨其陝西寧羌營汎查與  
四川廣元營汎之城牆巖元壩子七盤關黃壩  
驛麻柳壩一段連界責令川北鎮總兵田朝貴

撥派將備帶兵一百五十名與寧羌營遊擊宋  
鐵每月派兵一百名會哨以上十三段內川省  
派兵一千四百名陝省派兵一千二百五十名  
楚省派兵六百名三共官兵三千二百五十名  
緣各段各就營汛地方濶狹遠近畫分界址逐  
月輪班巡查所有每月出巡官兵日用不無多  
費應請仍照臣等前

奏提鎮會哨章程俟三月內三省大兵全撤後定  
於四月初一日爲始每月自出巡之日起至回  
營之日止每名每日酌給鹽菜銀三分俾免拮  
据較之多留征兵巡防又多節省俟一半年後  
地方益增寧謐即可一并裁去再責成各本營  
汛隨時巡查實力整飭至二次應撤官兵自本  
月十七日起至二十五日止共分六起各回本

營計撤過官兵二千四百八十餘員名號俟第  
二次官兵撤竣卽將第三次各處搜防官兵全  
行凱撤再日內准楊遇春來信巴山老林餘賊  
數名蹤跡詭譎不知是否零匪抑係土匪尙未  
弋獲惟現在外委張清朝拏獲逆匪一名又都  
司呂天俸拏獲假充教匪之土匪六名均訊明  
分別辦理又准豐紳來信兵丁李成林在獅子

塞後山拏獲零匪一名解至中途滾岩跌死此  
外循環遍查均各安靜奏入

上命軍機大臣傳諭德楞泰曰此時川陝邊界實已  
寧靖零匪肅清所有二次應撤官兵業經分起遣  
回其第三次凱撤官兵不日亦可辦竣德楞泰卽  
可緩程回至成都本任又據奏查明二省邊界酌  
擬分段巡邏各情形三省邊界地方寬廣現在甫

經廓清自當按月巡查會哨以資控制而防奸宄  
著照所請辦理但須嚴飭帶兵鎮將備弁等務當  
實力搜邏雖遇盛暑霖潦之時亦當一律奮勉巡  
查不可稍有疎懈以致有名無實所有各員會哨  
情形卽著本管鎮將備弁等按月具結申報將軍  
總督提督各衙門查核其在陝楚境內官兵亦著  
各自申報本省將軍總督巡撫提督存案互相稽

考以專責成如有疎懈及緝捕不力者卽行叅奏  
其巡哨兵丁每名每日酌給鹽菜銀三分之處亦  
著照所請行仍俟一半年後察看地方情形再行  
奏請裁撤

同日方維甸奏言自上年冬令後零匪日少

臣

仍飭文武員弁實力窮搜續據委員伍敏外委  
劉泰在萊子坪老林生擒苟文明等股內零匪

殲斃一名又寧陝廳寨民拏獲辛聰股內零匪  
一名舊縣關兵丁拏獲伍懷智股內零匪一名  
寧陝鎮兵丁拏獲張世漋暨苟文明股內零匪  
二名鎮坪委員王世琳拏獲苟文明高二股內  
零匪二名均俟提省審訊明確分別辦理至山  
內藏匿未獲零匪約祇十餘人臣再四思維與  
其分派官兵寨勇搜拏徒費糧鹽口食不如乘

其窮促設法開導准其自行投首較爲事半功倍當令出示曉諭如有投出者卽當從寬安插並諭寨民卡兵不許輒行殺斃嗣經守備顧應全盤獲逃散零匪廖在富郭中義二名委員王治等亦盤獲逃散零匪柯女娃子唐麻子二名均無器械臣查訊廖在富等本非緊要賊匪卽交與楊芳作爲眼目以便盤獲餘匪旋據楊芳

等呈報有零匪胡學才等七名至寨民阮魁萬  
家投首又零匪苟文興等二名至寨民陳在田

家投首均求指引到官經該寨民等送出當經

審明該犯等被脅人夥並未殺人因聞廖在富

等逃出已蒙寬宥是以商同棄械投首

臣恭查

前奉

諭旨該匪等有自知悔罪棄械投誠者不妨量予收

撫等因所有廖在富等四名胡學才等九名可否  
免其發遣出自格外

天恩又有投出之吳倫聰一名係張世漋股內累脅  
入夥背糧喂馬並未殺人在寧陝廳投首可否  
一併免其發遣伏候

訓示該犯等竊匿日久隻身無依亦未便據行釋放  
查寧陝置買地畝需人耕種臣擬交與總兵楊

芳發至該處隨同兵丁種地嚴行管束稍不安  
分卽加等治罪現在終南山內除拏獲投首各  
犯外逐處搜查已無零匪寨洞居民多已復業  
安居堪以仰紓

宸匱

方維甸又奏言

臣

欽奉

諭旨查明搜獲首逆尚朝九案內出力人員據實保

奏查鄉勇頭目閔士海探明首逆蹤跡密行報官  
並於入林搜捕時首先上前擒獲巨惡實屬能  
事應請給予七品頂戴

賞戴藍翎以外委拔捕其奉

殊筆圈出各員應請

旨將候補同知直隸州知州南鄭縣知縣李師白

賞戴藍翎候補縣丞唐錫鐸以知縣卽用千總王綱

加守備一職銜以示鼓勵其搜拏零匪安插鄉勇  
散遣遊民各員謹與兩司秉公確核共計拏獲  
多犯及要犯者十八員辦理鄉勇游民出力者  
四員此外尙多曾獲賊犯奔走勤奮之員未便  
悉行保列復擇其勞績有據者謹開單奏明請  
旨交部議敘均奏入

上命軍機大臣傳諭方維甸曰方維甸奏匪犯廖在

富等十四名或係逃散盤獲或係聞風自首雖據  
訊明從前被脅入夥並未殺人所供亦不足憑信  
但旣已悔罪逃散棄械投誠不妨量予收撫著卽  
照方雜甸所請將該犯等免其發遣交與總兵楊  
芳分派各處令隨同兵丁在寧陝一帶耕種地畝  
並嚴行管束倘再有滋事之處抑或潛逃一經查  
訊明確卽當立時正法至陝省南山以內現在已

無零匪寨碉居民俱已復業地方極爲寧謐但王  
世貴王作經一逆尙未查有下落或在陝境潛匿  
亦未可知方維甸務督飭認真躡緝勿致兇渠  
漏網爲要

同日

上諭內閣曰方維甸奏手獲首逆苟朝九案內出力  
之鄉勇頭目閔士海立有加恩給予七品頂戴以把

總外委拔補候補同知直隸州知州南鄭縣知縣  
李師白着先換頂戴遇有同知直隸州知州缺出  
卽行補用此時軍務久經告歲均毋庸賞戴翎枝  
候補縣丞唐錫鐸着以知縣卽用千總王綱着加  
守備職銜其搜捕零匪出力之都司蘭福守備顧  
應全府經歷朱點縣丞劉國譽着以應陞之缺卽  
用奏留從九品陸銓候補八九品伍敏着以府經

縣丞陞補大挑知縣陳盛鰲分發縣丞應先述奏  
留府經厯借補照磨劉光宇按察司照磨借補  
典史勞心泉着卽補用寶缺大挑知縣毛鳳衢分  
發縣丞黃天祿奏留縣丞朱有剛吳崇執劉吉人  
奏留主簿張鈞分發未入流張燈着儘先補用革  
職吏目王沼着准令在陝州復留陝補用安插鄉  
勇散遣游民出力之知府~~此~~萬育着賞還翎頂丁

憂知縣徐潤着留陝省服滿補用候補縣丞陳朝  
綬候補從九品艾聯翰着儘先補用其曾獲賊犯  
奔走勤奮之知府朱綏王駿猷知縣黃靖圖阿齡  
阿分發知縣范掄榮縣丞馮麟趾余春溥馮國璋  
屠大琮虞書寶郭利賓司獄錢奕範巡檢劉詢許  
承綱從九品徐允熙吳志道王世琳驛丞陳玉章  
呂箴候補典史朱紹曾未入流張玉珂諸能定均

着交部議敘方維甸朱勲督率有方著一併交部議  
敘其隨營辦事勤苦多年之大挑知縣馮光燕縣  
丞王麟孫蔣寬未入流周湖着儘先補用縣丞張  
樹勲劉廷獻着遇缺陞用從九品劉寅着以府經  
厯縣丞陞用以示鼓勵

欽定剿平三省邪匪方畧續編卷三十六

乙五年

三月二十五日

己酉德楞泰奏言查三省肅清川

陝官兵自應全行凱撤前撤過六起後茲又續  
撤四起共一千五百餘員名計連前撤過六起

共官兵四千三百零二員名又准賽冲阿來信

總兵達自祥等所帶官兵亦已分別凱撤賽冲

阿自帶西安滿漢官兵作爲末起於二月二十

二日自漢中起程回省共撤過官兵四千一百  
餘員名川陝二次應撤官兵皆已分遣完竣又  
查去秋額勒登保等會奏搜剿完竣後陝境酌  
留兵四千一百名交提督楊遇春分段駐守查  
現在除巴山老林尙有搶掠賊匪數名其餘均  
屬寧謐若仍留多兵駐守徒糜糧餉臣  
再三籌  
度刻下防兵竟當全行凱撤是以現卽咨行楊

遇春將陝境官兵四千七百餘員名令其先行  
造冊以四月初一日起均陸續遣撤回營斯時  
巴山散賊自己弋獲淨盡並令豐紳田朝貴雷  
仁等將省標四營松潘懋功川東川北及廣元  
七盤關各官兵共四千一百餘員名內除傷病  
老弱陸續遣過二百餘名外尙有三千八百九  
十餘人均卽查照一體凱撤各歸本營其三省

會哨事宜卽遵照

奏定章程認真辦理惟查陝境沿邊一帶均係新設營制雖添新兵三千餘員名內有軍功鄉勇並投出賊夥者七百餘名近來始行撤出歸伍該新兵不諳營制驟難馴善恐營員不善駕馭因思楊遇春聲威素著兵勇素所悅服臣擬令仍在西鄉漢中等處暫駐一兩月就近查察新

設營制撫馭新兵以資彈壓但不酌留員弁官兵不足以示威重擬於應撤固原本標官兵內附留一千名以資鎮撫由楊遇春酌量情形徐爲酌撤移咨方維甸辦理臣拜摺後卽由綏定起程回省至臣仰蒙

皇上委任軍旅頻年以來剿賊制勝皆賴

皇上賞罰嚴明是以文武齊心奮績嚴事當此全功

告歲所有出力員弁臣不敢壅於上

聞亦不敢稍有冒濫除臬司劉清總理糧餉一切久

邀

聖明洞鑒外現擇其勞績最著者均於名下註明事

實開列清單恭呈

御覽額怨

鴻施量加鼓勵奏入

上命軍機大臣傳諭德楞泰曰此時三省邊界實已一律肅清與去秋額勒登保等奏留防兵之時情形又異且各處添設新兵足敷巡邏彈壓之用所有原設防兵自應全數凱撤德楞泰辦理甚是惟新兵未諳營制必須訓練德楞泰以楊遇春聲威素著又該兵勇向所悅服請仍令在西鄉漢中等處暫駐一兩月就近查察撫馭亦應如此辦理該

新兵等甫經召募且多由鄉勇歸伍不皆馴善之徒必須嚴行管教加意訓練遇有桀驁滋事者卽當嚴辦示懲不可姑息庶該新兵人知儆惕紀律嫾習方成勁旅至楊遇春旣在彼暫駐自應留兵一千名以資巡查將來可以撤回之時再行酌量奏撤至摺內稱巴山老林尙有搶掠賊匪數名該處旣有賊匪卽應緝捕不可疎縱况賊匪不過數

人而楊遇春一路留駐官兵有一千名較賊匪幾  
多至百倍更不難設法兜擒按名弋獲永杜後患  
其營員會哨各事宜尤當責令將弁等認真嚴查  
按期巡閱切勿有名無實稍涉懈弛

同日

上諭內閣曰德楞泰奏查明川陝文武勞員懇恩分  
別鼓勵此時大功久經告成該處文武各員於摺

捕零匪廓清邊境各事宜均能實心經理不辭勞  
瘁現在地方俱經寧謐官兵亦全數凱撤此等出  
力員弁自應量加獎勵所有德楞泰單開文員內  
四川道銜龍安府知府積朗阿著以道員陞用知  
府銜署四川太平廳事打箭爐同知恒敏著以知  
府遇缺補用署四川綏定府事候補同知直隸州  
王世豪四川候補直隸州張星輝著賞加知府銜

先換頂戴四川羅江縣知縣米喬齡陝西平利縣  
知縣石珩著以知州遇缺卽用先換頂戴四川候  
補知縣王培著賞加知州銜四川太平廳經歷朱  
向隆著以知縣卽用四川候補按察使經歷陸成  
本東鄉縣主簿趙炳然均著以知縣遇缺卽用原  
任四川梁山縣縣丞宋潤原任四川嘉定府經歷  
吳經世均著以知縣陞用該二員前經丁憂奏留

川省將來經手事竣應飭令回籍終制俟服闋後  
仍著赴川遇缺卽補投効捐陞縣丞余肯堂從九  
品項懋慶均著留川以本班遇缺卽補武職內陝  
西西安城守營叅將祝廷彪四川永寧營叅將李  
應元著賞加副將銜先換頂戴四川川北鎮標中  
營遊擊張拱辰峩邊營遊擊張紹緒著賞加叅將  
銜遇缺卽用陝西西安鎮漁渡營都司張俊四川

提標前營都司趙琴著賞加遊擊銜先換頂戴遇  
缺陞用陝西西安鎮白土營守備齊慎四川川北  
鎮守備岳泰著賞加都司銜先換頂戴遇缺卽用  
陝西提標千總吳亨佑四川寧越營千總趙浩四  
川重慶協千總丁世龍著賞加守備銜先換頂戴  
遇缺卽用

四月二十六日 己卯 德楞泰勒保奏言查三省一

律肅清大兵凱撤一切未盡事宜臣等連日公同商酌開列各條伏候

聖裁一各廳州縣支剩軍米宜及早設法籌變一各

廳州縣存剩軍火鎗礮弓箭刀矛帳房等項宜

就近撥歸營汛備用一馬步陣站宜查明一律

裁撤一川東川北現存碉寨宜責成地方官經

理稽查一民間自製鎗礮器械宜及時收繳一

零星土匪宜責成地方官實力查拏一兵勇積  
欠糧餉宜及早清釐我領一新添太平等處協  
營兵丁米折銀兩應按年先行預支一各處應  
修城垣營堡工程宜分別急修緩修一各屬出  
力紳士宜量予獎勵奏入得

旨軍機大臣會同額勒登保明亮議奏旋經

臣

慶桂

等會議細覈德楞泰所奏各條內其我領兵勇

積欠糧餉一條查事隔數年兵勇內傷亡物故者不少或并欠票遺失而從前經手之糧員又未必皆在本省從前承領之將備此時又多陞調傷亡設官兵有假冒捏認礙難辨別至鄉勇一項又已散盡該將軍等既不於兵勇撤遣之時及早查辦此時始爲清釐我給勢有所難且從前遣散鄉勇時亦從未聞有持票索欠之事

深恐不肖官吏有藉此口目混情事應仍交該峰  
軍等復行查明究應如何分晰辦理方可無弊  
再行專摺奏明請

旨此時未便議准其餘名條均應如所奏辦理奏入  
上從之

五月二十三日丙午方維甸奏言竊臣前奉

諭旨嘉慶三年川匪闖入西鄉向紫陽奔竄直撲土

地嶺義首金鳳帶鄉勇二千餘名赴援殺賊五百  
餘名賊匪折回兵勇追殺又斃賊五百餘名等語  
著查明該義首現在何處此次立功之後會否再  
經立功並有無邀受獎賞之處等因查金鳳係紫  
陽縣任河里人於嘉慶元年自行團練義勇堵  
禦賊匪保護村莊並非由官雇募三年四月前  
任延榆綏道溫承惠獎給八品頂戴是年十一

月川匪闖入西鄉該義首帶領鄉勇在土地嶺  
兩次殺賊經前督臣宜綿具

奏並經宜綿獎給五品頂戴嗣後仍隨兵堵禦賊  
匪八年二月經額勒登保軍營翼長等又獎給  
五品頂戴節次所給頂戴祇發執照均未

奏明該義首於土地嶺殺賊立功之後雖無顯著  
勞績而隨同官兵堵禦亦屬始終奮勉現在具

呈情願入伍可否准以外委補用或另加獎勵  
之處伏候

聖裁奏入

上諭內閣曰金鳳充當紫陽縣義首於嘉慶三年十一月內川匪闖入西鄉時在土地嶺地方帶領鄉勇兩次殺賊有一千餘名之多懋著勞績此後隨同堵禦亦屬奮勉節經獎給五品頂戴該義首深

明大義出力可嘉茲旣情願入伍著加恩先行補用外委俟有把總缺出卽行陞用

二十八日 辛亥

上諭內閣曰近聞方畧館進呈剿平三省邪匪方畧索倫兵額爾克保生擒首逆李槐時並未將如何施恩之處明白聲敘當交黑龍江將軍觀明等查奏今據奏稱額爾克保生擒首逆李槐時並未施

恩後挑領催伊在軍營共打仗一百一十次斬賊  
二十九名生擒十二名著傷二處現在委官上行  
走等語額爾克保前在軍營尙屬有功著加恩交  
觀明等遇有該處驍騎校缺出卽行補授以示朕  
獎勵有功臣僕至意

六月初九日 辛酉 德楞泰奏言 臣 聞省後節次督

飭沿邊文武認真巡查據副將羅思舉等稟覆

賊匪一名副將吳廷剛稟獲賊匪一名總兵王  
兆夢稟獲賊匪一名現均審訊辦理又據探差  
稟報太平之白菓壩與陝境之黃安壩兩處尙  
有零匪十餘名在彼出沒已經副將羅思舉前  
往搜緝又平利屬之化龍山另有零匪十餘人  
竄入川界經會哨之都司謝成貴聞信追擊該  
匪卽竄入老林謝成貴亦入山搜捕又據宜昌

臣等謹將各處情形開列于後

鎮總兵吉林泰稟報竹谿屬之梨子坪一帶有

賊八名由轉角樓竄入大寧之柳木池老林

臣

因聞該處本有土賊五人當飭大昌營守備蘓

國棟馳往一併搜拏並轉飭川北鎮總兵田朝

貴督率辦理無論零賊土匪均須一律殲除以

期地方寧謐不敢諱飾奏入

上命軍機大臣傳諭德楞泰曰本日德楞泰奏陝楚

沿邊一帶查拏匪犯情形據稱太平之白菓壩與  
陝境黃安壩兩處尙有零匪十餘名在彼出沒又  
平利屬之化龍山另有零匪十餘名竄入川界又  
竹谿屬之梨子坪一帶有賊八名竄入大寧境內  
老林此外尙有土賊四五人等語川楚邊界三處  
賊匪計有三十餘人自因德楞泰所派各處巡哨  
之員不免鬆勁以致該匪等零星勾結著德楞泰

卽嚴飭總兵田朝貴副將羅思舉馬元及各該處  
備弁等上緊緝拏限令按名弋獲倘該鎮將等稍  
涉懈弛卽據實叅奏

十六日

戊辰

倭什布方維甸奏言

臣

等伏思從前

所定提鎮帶兵會哨章程原因大局戡定山內

遺孽尙多民心未定故整兵會哨示以軍威現

在情形已與當日不同若專爲查緝一二搶奪

匪徒起見則大員會哨皆有定地定期轉恐不能得力且帶兵至一千五百名之多亦屬徒滋糜費所有提鎮會哨似應請停止惟陝省提督駐劄固原距漢南較遠營伍恐致廢弛相應請旨仍令固原提督於每年十月到陝一次巡查山內邊界既可彈壓地方又可查閱營伍該提督來陝時毋庸照原議帶領多兵祇於附近營汛酌

擬撥一百名足資護衛陝安鎮總兵則於每年二月巡查邊界及各營汛一次亦祇令帶兵五十名庶可節省糜費而於整飭巡查亦有裨益

奏入

上諭內閣曰川陝邊界前此甫經安輯恐大山老林中不免匪徒溷跡是以留兵巡哨今肅清日久民氣恬熙沿邊新設營卡碁布星羅足資查緝所有

前派會哨巡哨官兵自應卽時裁撤歸伍應給鹽糧一體停止至川楚陝地方前令提鎮帶兵會哨原因山內遺孽或有未淨必須示以軍威藉資彈壓現在地方安堵若仍令提鎮定期帶領多兵會哨不特徒滋糜費且恐山內卽有匪徒潛匿行蹤詭秘知大員領兵入山轉得藏身自固仍於緝捕有名無實而此千餘官兵往來其間設約束稍疎

難保不別滋事端自應停止會哨仍著照所請每年令固原提督陝安鎮總兵酌帶官兵分赴邊界巡查一次但邊界綿長客民雜處總在地方文武平素留心稽察奸宄隨時搜緝使宵小無由托跡地方自可永靖該督撫務當督飭所屬實力奉行其四川湖北兩省邊界前議提鎮帶兵會哨之處亦著一體停止仍著該督等各就本省地方情形

酌定章程隨時飭屬認真查緝慎勿視為具文致  
涉蹊懈

十八日  
庚午吳熊光奏言查楚省餘匪搜捕淨盡

臣戴功完善查有軍營出力人員應予量加鼓勵  
與慶成逐一查核擇其久在軍營著有勞績  
之員繕具名單恭呈

御覽除呢瑪善一員現已送部引

見外其餘遊擊李東宣等六員可否量加鼓勵之處  
出自

皇上天恩奏入

上諭內閣曰據吳熊光等奏查明軍營出力各員懇  
請量加鼓勵著照所請遊擊李東宣馬濟盛千總  
齊正紀王殿元均著加恩以應陞之缺陞用試用  
從九品蕭桂林周寶生俱著遇缺即補以示獎勵

十九日

辛未德楞泰奏言竊

臣前自綏定回省後

因邊界老林尙有零星逃匪疊次嚴飭文武搜  
拏嗣據探報太平一路派出會哨官兵於十里

坪地方擒賊二名殺斃二名有王世貴在內

臣

恐所報不實若將首級提至省城又恐日久不

能辨認是以一面飭令田朝貴就近查驗訊供

一面派委候補道方積帶同眼目馳赴綏定一

帶迎提活賊並王世貴首級前來切實查訊茲據田朝貴方積先後稟稱五月十九日副將羅思舉派出外委王明達帶領兵役六十餘名由黑天池一帶與同知恒敏派出之差役伍福等彼此會哨探得十里坪老林有賊十餘名藏匿在內該外委一面飛報都司謝成貴一面卽往擒拏該匪等正在造飯一見官兵卽持械抵死

抗拒與我兵攬殺一處內有兩賊倍覺兇橫我  
兵奮勇迎敵謝成貴一路之兵亦已趕到該匪  
不能抵禦始行折竄深林當經入伍藍翎軍功  
包相卿等十餘人爭先趕上將兩賊立時殺斃  
又活擒偽總管蕭元明及被擄服役之王景祿  
二名餘皆棄械撲巖逃散訊之蕭元明等知殺  
斃者係偽元帥王世貴偽總兵謝應洪當卽割

取首級連犯解赴田朝貴軍營經眼目指認僉  
稱的確無疑旋經方積親提查驗另撥眼目徐  
思盛辨認亦稱年輕者係王世貴首級左太陽  
有刀傷疤痕一道最易認識該道當提蕭元明  
王景祿訊問據蕭元明供先與張添倫閻正考  
合夥後入苟文潤營內封僞總兵又封僞總管  
自苟文潤被殺之後屢被官兵追剿與王世貴

祇剩六人會合一處行走在黑天池仙女池一  
帶藏躲十九日甫至十里坪竊取包穀做飯見  
有官兵趕來王世貴與謝應洪商量祇好拚死  
抵敵不許一人退後詎料官兵一湧前來併力  
攬殺當將王世貴等殺斃餘各奔逃我被拏獲  
等語所供厯年竄走道路與官兵打仗各日期  
無不脗合至王景祿供亦相同詰以王作經下

落則稱王作經雖係老教向在賊營並不管事  
自去年七月間在老鴉紳地方衝散後至今總  
未知其生死確信等語

臣

細加察核其爲王世

貴被殲無疑查王世貴爲著名首逆日久稽誅

今潛匿老林猶敢抵死拒捕實屬罪大惡極茲  
立時殲斃洵足以快人心而彰

國憲該逆係儀隴縣人已將首級懸示原籍地方

以照炯戒謝應洪首級卽在綏定示眾其活賊  
蕭元明等臣卽行提訊辦理至殺死王世貴等

並活擒賊匪之出力官兵已飭該鎮道查明遵  
照賞格一面給予銀兩一面開單稟明另候分  
別獎援受傷兵丁五名照例咨部辦理其逃散  
之賊已經外委王明達當時追蹤跟緝並有副  
將羅思舉督飭查拏自不難於全獲臣現飭鎮

將等將所有逸犯緝拏全數殲擒不留一孽以  
期永靖地方奏入

上命軍機大臣傳諭德楞泰曰德楞泰奏殲斃首逆  
王世貴驗訊屬實一摺所辦甚好王世貴爲著名  
首逆日久稽誅潛匿老林猶敢抗拒官兵今經羅  
思舉派委弁兵探蹤會哨奮勇迎擊將該逆及僞  
總兵謝應洪一併殲斃業經提訊指認屬實可見

鎮將等督率弁兵搜捕餘孽尙屬認真出力該官  
兵等業據該署督道照賞格給予銀兩此內外委  
王明達著卽以把總陞用其爭先趕上殺斃該逆  
之藍翎軍功包相卿著賞給五品頂戴並賞換花  
翎以示獎勵至德楞泰前奏太平之白菓壩及化  
龍山梨子坪等處竄入川界零匪共有二十餘名  
此次殲擒者不及十人其餘二十餘零匪尙在潛

竇安知王作經不卽在其內德楞泰當飭令鎮將等奮勉協力搜緝務將此等餘匪按名殲盡以絕根株如果能將王作經就獲尙當沛以恩施也

同日德楞泰又奏言據田朝貴等稟稱搜山官兵日在老林巡緝既不能自裹口糧而老山內又難以買食卽有買處價亦昂貴每日僅支銀三分實屬不敷口食查大平大寧各寨砦尙有

存糧懇請每兵添給口糧米一分等語合無仰  
懇

聖慈自四月初一日爲始准其每兵日支口糧米八  
合三勺其餘搜山各兵亦請一體支給奏入報

聞

閏六月十三日

甲午

德楞泰奏言查王世貴一犯

前經官兵殲斃之後臣仍督飭各路文武將山

內逸匪搜拏淨盡不許容留一人茲據方積稟  
稱探報三溪子老林內有自縊者六人業經該  
道派撥眼目徐恩盛前往認識察看情形似係  
前此逃散之賊因難以潛蹤故爾自縊身死此  
外有無遁匿之人臣仍諱飭田朝貴等務須督  
同兵將不遺餘力認真梭織查拏始終勿稍鬆  
勁奏入

上命軍機大臣傳諭德楞泰曰德楞泰奏據道員方  
積探報三溪子老林內見有自縊者六人自係前  
此逃散之賊無可潛匿窮蹤自盡安知王作經一  
犯不在此內著德楞泰派撥眼目詳悉訊驗如驗  
明已有該犯在內卽一面據實奏聞一面出示曉  
諭俾共知積年巨惡不能倖逃法網庶人心益知  
儆畏而地方永臻鎮定但當查驗明確萬無疑義

方可停緝不可稍存遷就俾要犯得以稽誅漏網  
此外潛匿匪黨仍當督飭將弁認真搜緝以淨根  
株

七月初二日壬子德楞泰奏言查邊界零匪自十

里坪殲斃首逆王世貴之後續據田朝貴稟報  
都司史定川一路盤獲零匪一名又外委王明  
達追捕十里坪逃散之賊在貝母池又趕上殺

斃二名又據開縣知縣符永培稟報同都司胡超在茶園溪老林殲斃零賊一名活擒一名亦係在十里坪逃散之賊現在只剩九名此次又

殲斃二名其未獲者七名續據外委彭貴在放

牛廠緝獲逃匪二名均經臣批飭審辦又據採

報賊匪窮蹙自盡羊耳壩老林內縊死二人西流溪老林內縊死六人經方積派人前往同前

日三溪子林內自縊之六人一併詳悉查驗據報屍身實皆朽壞無從辨認惟割取髮辮前來等語奏入報

聞

二十三日癸酉德楞泰奏言竊臣接據總兵田朝

貴稟報都司余步雲查有零賊四名在寒溪溝地方潛匿當卽帶兵密往緝捕適該匪等正與

本地團勇抵抗官兵一擁上前殺賊二名生擒  
二名內苟子潤一名供稱係冉文儔股內偽總  
兵吳炳貴供係苟文明股內戰手並據供稱殺  
死之賊一係僞總管趙有俸一係戰手周三娃  
子此起只剩四人全被殲獲又把總孔傳文在  
白巖灣遇賊三名見兵卽竄其一人執矛抗拒  
被額外藍翎馬兵鐵貴等連截五傷該匪跳巖

被獲祇供姓王其餘不發一語於當夜重傷身死又外委杜浩一路官兵在平壩場盤獲零匪一名又都司史定川一路官兵在沙沱寺盤獲零匪二名均供曾充龍紹周股內矛手臣飭查

明出力官兵優加給賞並令將現獲之苟子潤等五名就近解至綏定交與道員方積嚴審訊錄供詞辦理所有各處逃竄零匪實在尋盡奏

入報

聞

等謹按尙書云自作孽不可逭故從來悖

常亂德之徒必不容於

光天化日之下三省邪匪自外

生成我

皇上命將行師赫申

天討數年之間擒殲畧盡通計首逆凡一百數十人

至九年九月德楞泰第三次奏報零匪肅清

時尙餘首逆苟朝九王世貴王作經三犯未

獲斯時逆黨就淨即使此三人者終獲倖免

彼其了身逃竄亦奚能爲乃未幾而方維甸

奏報苟朝九一犯陝省擒獲伏法又未幾而

德楞泰奏報王世貴一犯在川省臨陣殲斃

其王作經一犯續據德楞泰是月奏報在川  
省白巖灣地方經搜山兵丁追拏緊急運截  
五傷跳巖被獲旋卽傷重身死據其生供自  
稱王姓維時按數稽查此外更無一賊則其  
爲王作經無疑是三犯究無一倅免者蓋自  
絕於

天故同歸於盡我

皇上仁育義正除莠安良邪匪旣平之後三省民人

攘攘熙熙耕田鑿井共戴

堯天於是教化修明風俗淳厚遵道遵路罔或歧趨  
所謂經正民興邪慝不作者惟

大聖人有以納斯民於軌物也